

'Sëedhɛ -blɛɛsü 'ö  
1 Piɛdhö  
-ya -kë

<sup>1</sup> Mang Piɛdhö -mɛ 'a -kë Yesu Klisi -bha bɔmɛ 'ka bha, ma -në 'a 'sëedhɛ ya- -bɛn zë kö 'a- bɔ mɛ "pɛpɛ 'ö Atanna =ya ka 'sü ö -bha 'ka 'ö 'ka -dhɛ =dhɛng -në- 'dhö "kpɔng ya- =taa, 'ö 'ka -pɛn -sü 'ka Pɔn -sɛ waa- Gadhatö -sɛ -nu waa- Kapadɔsö -sɛ -nu waa- Azi -sɛ -nu waa- Bitini -sɛ -nu 'gü bha ka -dhɛ. <sup>2</sup> Ka 'sü 'ö kwa Dë Atanna -ya wo ö -bha 'ka bha -ya wo "dhü -kɔ 'ö gun- 'ka- zuë" "piü 'nu yi 'bha 'ka =në- -bha. -Gasitɛ 'yaa- -bha 'Nii- "slüüslü 'ö ka 'gü bha =në- -bha, 'yö 'ka Yesu Klisi =bhlëë -ya, kë "dhü kö 'ka kë "slüüslü ö wëedhö -a =yɔɔn 'ö =wɛnng kwa -wɔn 'gü bha- 'saa- 'gü, 'wɔn 'ö- -wɔn 'gü 'yö 'Nii- 'ö "dhü bha 'ö ka -ya -sü 'ka -a -bha -ya 'gü =dɛɛ bha 'yö bha.

Kö -yö ö -bha -gasitɛ waa- ö -bha zuëyagblüü- bha- kë ka -dhɛ -kɔ =gban -kɔ =gban suu 'gü bha 'aa -yö kë.

*Kwa dhia" saan 'ö dhang- 'gü -a -dhiang 'ö Piɛdhö -ya zë*

<sup>3-4</sup> Atanna 'ö kwa Dëmɛ Yesu Klisi Dë 'ka bha -ka -kwa nuɛ" bho (=dedewo -sɔbhɛɛ 'gü)! -A -gɛn -mü -dhɛ yö =në -tosɛa -dee nu kwa -dhɛ -a -bha "klüsɛdhɛ -ziisü bha- 'gü, Yesu Klisi bho 'ö- wo ga 'gü 'ö -bö bha- 'saa- 'gü. 'Wɔn 'ö- -wɔn 'gü 'yö kwa zuë" =nii 'dhö =mɔɔ- -bha 'ö -da bha 'yö bha, -a 'klɔɔ- -mü =dhɛ kwa 'dhang bho -sü -ya "dhiü 'ö kwa "tüng 'dhö- 'gü =dhɛ -dhɛkpaɔ dhia" saan 'ö- -ya -sü 'ka ö -bha mɛ -nu -gɔ dhang- 'gü bha -yö kwa -bha 'ka 'pö. 'Sa kwa -dhɛkpaɔ dhia" saan 'ö "dhü bha 'yaa "bu, "ɛɛn 'yaa -dhii 'kun, "ɛɛn -a "yan 'yaa ga tongtongdhö. Pë 'ö "dhü bha Atanna -ya -ya 'mɛ 'ka bha =në ka -dhɛ

<sup>5</sup> -Yö ka 'ö 'ka ka -zυ gɔn- -dhε, 'ö ka -maa kē siē ö -bha 'gügbυdhε 'ka kö -yö 'to- 'ka "dhü -yö zun- 'ka -da dha -sü bha- kēdhε 'gü "tüng 'ö "sε "dhiü 'to "tüng 'ka bha- bha bha =nē ka -bha 'ka.

<sup>6</sup> 'wɔn 'ö ka zuēniida -wɔn 'ka 'yö bha, 'sa kö -a -dhεa -bha =dhε 'wɔn suu =gban 'do 'do -yö wɔ ka -ta "tüng 'nē 'bha 'ka dɔ 'kwa- wo ya- 'gü. <sup>7</sup> Kē "dhü kö -naa 'ö ka -bha -zυ -yö -a -dhε -sü 'dhö- -ta mε -ya dɔ, -A "dhiü -bha -kē =dhε "sēngg 'wii- gbo bho 'gü 'nu =kö 'wo- -ziö =siē pεng 'gü bha =nē- 'dhö. "kεε 'sa kö yö -zē see- -pē -mü. -kɔ do 'wo "sēngg -ziö 'ka pεng 'gü bha- -dhεa -bha 'pö =dhε -wo ka -bha -zυ -yö Atanna -dhε -sü 'ö yö -zē =bhlēē 'dhö 'kpii- 'ö -ziö "sēngg -zē -ta bha -wa 'gü dan 'pö, Atanna -ya kē "dhü kö "tüng 'ö Yesu Klisi -bha 'yēngg- dho -ya 'ka dhang- -bha bha -wo ka dɔ 'dhang -bho -a "dhiü -mε =dede 'ka, kö -wo ka 'tɔ dhi, kö -wo =bhlēē -ya ka -bha, kö ka 'bhü -yö bhɔ 'pö =dhε -a 'dhö. <sup>8</sup> Yö 'ö "dhü bha 'kii- yö, "kεε -a -dhɔ -yö ka -kē. Ka "yan -zian 'yaa- -bha "kεε yö -zē =gban 'gü ka 'dhang -bho "dhiü. 'wɔn 'ö- -wɔn 'gü 'yö =niidadhe 'ö ka -gɔ bha 'ö =bhlēēbhlēēsü, "kεε 'yö- -bha -kē 'kpiisü -sü -dhiang 'yaa zē bha 'yö bha. <sup>9</sup> 'Yö- 'klɔɔ- 'dhö -kē =dhε ka -bha 'dhang -bho "dhiü -sü bha- =trɔɔn 'ö ka -zυ 'dhö- 'gü 'ö =dhε -zυ 'ka- gɔn- -dhε bha- =saa 'dhö, 'ö -kē ka 'nii- dha -sü 'ka bha ka -dho -a =slɔɔ.

<sup>10</sup> Dha -sü 'ka- =slɔɔ =dεε "dhü bha, Atanna -wυdhiüloomε -nu 'wo gun yi 'bha 'ka bha -wo -gun yö =nē- 'gü ma -dhε mɔɔ- siē 'yö 'wo wo "yan -ta 'gü, 'yö gbaodhe -sē 'ö Atanna yöö- kē ka -gɔ bha 'wo- -dhiang zē. <sup>11</sup> -Wo -gun dɔ siē wo -dɪ -ta "gbɪ- 'wɔn bha- 'gü, kē "dhü kö 'wɔn 'ö Atanna yöö- kē bha 'ö dho- kē "tüng 'ö- 'gü, "εεn 'ö dho- kē -kɔ 'ö- -bha 'ö Klisi -bha 'Nii- "slüüslü -ya -zɔn 'ka- -nu -dhε bha 'wo- dɔ. -A 'klɔɔ- -mü =dhε 'ö gun "dhü kö -a -bha 'Nii- 'ö gun- -nu 'gü bha saan" 'ö Klisi

dho- wo, waa- 'tɔ 'ö dho bhɔ -a saan" -sü bha- zian- -ta bha =yaa- =gban 'to "dhiü =yaa- pö- -nu -dhε. <sup>12</sup> "KEE 'yö Atanna -ya -zɔn ö -wɔdhiüloomε -nu bha- -nu -dhε =dhε naɔ 'ö- dɔ- -nu -gɔ kö -wa dɔ "dhü bha 'yii kë- -nu -dɪ -bha naɔ 'ka, -yö ka =në ka -bha 'ka. -A naɔ 'ö "dhü bha =në =waa- dɔ ka -gɔ =dεε bha. Yö =në -a -bha naɔ -së dɔ -mε -nu, 'wo dhiang zë- -bha 'Nii- "slüüslü 'ö- bɔ 'ö 'go dhang- 'gü -a -bha 'gügbɪdhε 'ka bha 'wo- pö ka -dhε bha. 'Sa 'wɔn 'ö "dhü bha- 'sɪ =në 'yaa Atanna -bha "kië -nu -zian 'wo dhang- 'gü -a -nu -dhε, "KEE -a 'gü ma -dhɔ "kakasü -ya -nu -bha.

-Kë "slüüslü -sü 'ö Atanna wëedhö -a -dhiang 'ö Piεdhö -ya zë

<sup>13</sup> 'Wɔn 'ö- -wɔn 'gü 'yö- -dhε 'dhö- -bha =dhε 'ka ka 'gü dɔ "gbɪ- kö ka -kɔ -yö =mɔɔ ka zuë" -bha bha 'yö bha. -Ka -ya ka "yaan -kpεawo kö 'ka ka "yan 'to -gasitε 'ö Atanna dho- kë ka -dhε Yesu Klisi "dhiü yee -kë kö -yö nu "kpɔng =taa -yi 'ka bha- -gɔ. <sup>14</sup> Ka zuë" 'ya 'dho bhɔ 'wɔn yaa -nu 'ka gun- kë sië -blεεsü kö ka -tun Atanna -wɔn 'gü ka tii -bha bha- -bha 'zü. -Ka ka -gɔ lɔɔ- -dhε kö 'ka- -wɔ =bhlëë -ya. <sup>15</sup> -Ka ka -dɪ 'kun -së kö 'ka 'to "slüüslü 'ka -a wëedhö ka -bha -tosεa kë -kɔ =gban 'pεpε 'gü -dhε -kɔ 'ö yö 'ö ka -dhε bha 'ö- 'ka -a 'dhö. <sup>16</sup> -A pö 'a- wo "dhü bha- 'klɔɔ- -mü =dhε Atanna -wɔ -ya pö:

«-Ka kë "slüüslü =dhε n 'dhö,  
-a -gεn -mü =dhε a "slüüslü.»

<sup>17</sup> 'Ka bhεa" sië Atanna bha- -dhε, ka- -dhε ka Dë, "KEE kö yö 'ö "dhü bha -yö za -dɔ mε =gban -bha -a -nu këwɔn =në- -bha. =Dhε 'ö "dhü, "tüng 'dhε 'ö- këwɔn =ya 'to ka -gɔ "kpɔng =taa yö bha, -kaa wo "suü 'ka ka "ta -kɔ =gban 'gü, kë "dhü kö 'ka- =bhlëë -ya. <sup>18</sup> -A pö 'a- wo "dhü bha- 'klɔɔ- -mü =dhε -tosεa 'ö- -zun "dhiü -bhlɔɔ 'yaa gun 'ö

'ka gun- kē siē -blεεsü 'ö 'ka- sü ka "bhεma -nu =kwεε-  
 bha, pē 'ö Atanna -ya nu, kē "dhü kö 'ka dha- gɔ ka- -dɔ,  
 'ö 'ka- =bhlēē dɔ. 'Yii ka -gɔta bha- 'dhɔ 'pē 'ö- =bhlēē -yö  
 =mɔɔ- -bha 'ö -pö =dhe 'wēē- -nu "εεn "sēnng -nu 'dhö  
 bha- 'bha 'ka. <sup>19</sup> Ka- 'wɔn -dɔ 'kpakpadhö =dhe "saa- 'ö-  
 -mɔɔ 'ka 'yaa 'dhö 'ö Klisi -ya bho bha =nē ka dha -a =yɔɔn  
 'ö- =wεnng bha- 'ka. Klisi bha =nē =dhe "bhlaanē 'ö -dhii  
 'yaa- -bha, "εεn 'ö pö 'aa- -bha 'ö 'wo- -kē 'saa- 'ka bha-  
 'dhö. <sup>20</sup> 'Sa yö 'ö bha Atanna =nē ö -kɔ -ye -bha kö 'yii  
 "kpungtaadhe -zian -da =kö, 'yö gun -na nu "kpung =taa  
 kaa 'wɔn -sē 'gü "sε yēn "tüng ya- 'gü ya. <sup>21</sup> Atanna 'ö- -bö  
 'ö go ga 'gü 'ö dho 'ö 'tɔbhɔdhe nu- -dhe bha ka 'dhang  
 -bho "dhiü Klisi bha =nē- 'saa- 'gü, 'yö- -wɔn 'gü 'yö ka  
 -bha -zɔ -yö -a -dhe -sü waa- ka -bha "yan -to -a -gɔ -sü  
 =gban 'dhö yö =nē- 'ka.

<sup>22</sup> =dhe 'ö -kē =dhe -dhii =ya 'go ka -bha -a wēēdhö -a  
 -wɔ 'ö tεanwɔn 'ka bha- =bhlēē 'ka- -ya bha- -wɔn 'gü,  
 "kεε kē "dhü kö 'mε 'wo bɔ- 'ka =dhe ka 'dhö 'ö 'wo ka  
 dheebhang -nu 'ka bha- -nu -dhɔ -yö ka kē 'kpakpadhö  
 bha- -wɔn 'gü, ka -dhɔ -yö ka 'ko kē =dedewo ka zuē"  
 =gban 'ka. <sup>23</sup> -A pö 'a- wo "dhü bha- 'klɔɔ- -mü =dhe 'ka  
 bhɔ -deewo. "Kεε bhɔ 'ka- wo "dhü bha 'kii- wo =dhe  
 "kpungtaadhe -bha 'dhö, Atanna =nē ka -gla, -a -wɔ 'ö  
 "yaandhe 'ka, 'ö -todhü 'ka bha- 'ka. <sup>24</sup> =dhe -kɔ 'ö- -wɔ  
 -ya pö- 'ka -dhe "wεε 'bha 'gü -a 'dhö =dhe:

«Mε =gban "pεpε -wo ziö -pē 'ka =dhe blēē "dhe 'dhö,  
 'yö- -nu -bha 'tɔbhɔdhe 'ö =dhe blēē "bin 'dhö,  
 blēē -gɔ =ya bo ga -sü -zē 'ka

<sup>25</sup> kö- "bin =ya -pö,

"kεε kwa Dēmε -wɔ -zē 'ö -kɔ 'ö- 'ka 'yö- 'ka» bha- 'dhö.

Atanna -wɔ 'ö "dhü bha =nē naɔ -sē 'wo- pö ka -dhe  
 bha- 'ka.

## 2

<sup>1</sup> -A -kë "dhü -sü bha- 'gü, -ka ka bo "gblüyaadhε kë -sü -nu oo, =sua kë -sü -nu oo, -kpa 'ko -dhε 'gu -ta -sü -nu oo, -ya pë -dhö 'ka -sü -nu waa- 'ko -nu -dhiang yaa zë -sü bha- 'ka. <sup>2</sup> -Ka kë =dhε 'në -dee 'ö bhö -a 'dhö kö -a dhe 'yöñ mü -dhö 'dhö- -kë -kö do 'ö- 'gü fubdhö bha, "tv -to Atanna -wv "slüüslü bha- -bha -dhö -yö ka kë 'pö =dhε -kö bha- 'dhö, kë "dhü kö 'ka- ma sië, kö 'ka "gla kö ka -bha dha -sü bha- -gö -yö -da 'pödhö. <sup>3</sup> -A pö 'a- wo "dhü bha- 'klöc- -mü =dhε 'ka ka bo kwa Dëmε -bha "klusädhe bha- din -ga -sü 'ka 'nu.

<sup>4</sup> =Dhε 'ö "dhü, -ka =yöcñ kwa Dëmε Yesu Klisi "söc. -A -gεñ -mü =dhε yö 'ö bha =në =dhε -gwë "yaandhe 'ö mε "bhü -nu 'wo wo =kwaa- -zü kö -wo 'kö dö sië, "kεε 'yö Atanna -zë 'ö- 'sü =bhlëësü 'ka 'ö ö -kö -da 'gü 'ö ö -bha 'kö -gεñ -gban -ta -a 'dhö. <sup>5</sup> -Ka =yöcñ- "söc kë "dhü kö kaa -dt 'pö 'ka kë =dhε -gwë =bhlëësü 'dhö, kö Atanna ka -da ö -bha 'kö -dö 'ka -gwë -nu -bhiëë 'gü kö 'ka kë mü =dhε "saabhömε -nu 'ö- -nu -ya -sü 'ka kö -wo ö -dhökë Yesu Klisi 'saa- 'gü -a 'dhö. <sup>6</sup> -A -gεñ -mü =dhε Atanna -ya -pö ö -wv 'gü Yesu bha- -bu 'gü =dhε:

«A -gwë =bhlëësü do 'sü -sü 'ka,  
yö =në 'a- -ya sië ma 'kö "kpan  
-ya -ta -gwë 'ka Siöñ -pö 'gü bha.  
Mε "vυ mε 'ö yaa 'dhang -bho "dhiü,  
'yiü- 'yii 'dho dö- -mε -bha.»

<sup>7</sup> -Gwë 'ö "dhü bha- =bhlëë -yö 'kpii- 'mε 'ka 'dhang bho- "dhiü bha =në ka -gö, "kεε 'mε 'kö 'waa 'dhang bho- "dhiü bha, -gwë 'ö 'ködömε -nu 'wo wo =kwaa- -zü bha =në kë -sü 'ka 'kö "kpan -ya 'ka -gwë =bhlëësü =dede 'ka, 'yö kë -sü 'ka- -nu -gεñ "dhiü -züö -bha -gwë, -a -nu -pö -bha -gwë 'ka. -A -bεñ -yö zë -sü 'ka 'zü -dhε "wεε 'bha 'gü =dhε Atanna -ya -pö =dhε:

«-Gwë bha =në kë -sü 'ka -a -nu  
 -gεN "dhiü -zuö -bha -gwë 'ka,  
 yö =në =ya Atanna -bha zian ta- -nu -gɔ.»

<sup>8</sup> (Atanna =plöö -zian 'ö- ta- -nu -gɔ "dhü bha- 'kloɔ- -mü  
 =dhe) 'wii "wt- -bha kö -wo 'dhang bho- -wɔ "dhiü. 'Sa  
 'to -kɔ 'wo dho 'to- 'ka 'pö 'yö bha.

<sup>9</sup> "ΚΕΕ ka -zë yö =në ka -ya, ka =në 'ka yöö -gblüde -ziisü  
 bha- -bha "saabhome -nu, -a -bha "σεgɔ 'ö- -ya -dɪ -ta  
 -a 'gü -mε -nu 'wo -ya -sü 'ka- -bha 'ka -a 'ka. 'Sa -yö ka  
 -ya =dhe -kɔ bha- 'dhö kö yö 'ö ka bho -dhetiidhe -bha  
 'ö ka bɔ ö -bha -dhepuudhe "dhiadhiasü bha- 'gü bha 'ka  
 ö këwɔn -sεngbɔ -nu bha- -nu -dhiang =në- zë. <sup>10</sup> 'Ö gun  
 zii 'kpa -blεεsü Atanna 'yaa gun ka dɔ sië, "κΕΕ 'ka kë-  
 -bha 'ka =taamasü ya- 'gü. Ka -wëë 'yaa gun- kë sië, "κΕΕ  
 ka -wëë =yaa- kë dɔ 'kwa- wo ya- 'gü.

-Tosεa -kë Atanna -bha kë 'gü -kɔ -dhiang 'ö Piεdhö  
 -ya zë

<sup>11</sup> -A -kë "dhü -sü bha- 'gü, n "taɔngdë -nu, =dhe 'ö  
 -kë =dhe ka -dhεng 'ka 'ö 'ka =dhe 'mε 'ö nu "ta =në- 'gü  
 "kpɔngya- =taa -a 'dhö bha, -ka dɔ "gbɪ -bhεa" =në 'a- wo  
 ka -dhe kö 'ka ka kwaa zuë" -bhɔ 'wɔn yaa -bha -sü -zü.  
 -A -gεN -mü =dhe yö -zë -yö -tosεa 'ö kaa- Atanna -nu ka  
 =zinng 'gü bha- dɔ =në- wo "güng 'ka. <sup>12</sup> Ka "ta -kɔ -yö kë  
 -së 'mε 'waa 'dhang bho Yesu "dhiü bha- -nu kpö 'gü, =ya  
 kë "dhü 'kö 'zü =wa ka -dhiang yaa zë =dhe 'wɔnyaakëmε  
 -mü ka 'ka, "κΕΕ -a -nu "yan =ya -da ka këwɔn -së -nu bha-  
 -nu 'gü, -wo -dho kwa Dëmε 'tɔ bhɔ -a nu -yi 'ka kö- 'sɪ  
 'yaa- -nu -dhe.

<sup>13</sup> -Ka zë kwa Dëmε -wɔn -dhe kö 'ka ka -gɔ 'dho mε  
 "pεpε 'wo -yamε -nu 'ka "kpɔng =taa -a -nu -dhe "sia-.

<sup>14</sup> -Yö -kë -gblüde 'ka oo, -yö -kë -a -kɔdhiüme 'ö- bɔ kö  
 -yö 'wɔn bho 'wɔnyaakëmε -nu 'gü, kö -yö 'wɔnsékëmε

-nu -dhiang -së zë bha =në- 'ka oo, -kaa -nu =bhlëë -ya.  
<sup>15</sup> -A pö 'a- wo "dhü bha- 'klɔɔ- -mü =dhe 'wɔn 'ö Atanna  
 -dhidhewɔn 'ka, yö -mü =dhe kö 'mε 'ö "yaaki 'yaa- -nu  
 -bha 'ö 'waa- -wɔn dɔ bha 'ka- -nu "dhi ta ka këwɔn -së  
 -nu 'ka kö 'pé woo- pö 'ya 'dho =slɔɔ- -nu -gɔ. <sup>16</sup> -Ka -tosεa  
 kë ka 'flëë- 'gü, -a -gεn -mü =dhe -pυtaasü -yö ka -gɔ.  
 "Kεε -pυtaasü 'ö ka -gɔ bha =në -kaa kë -së kö 'ya 'dho  
 kë ka -gɔ "dhe 'ka 'ö 'ka- kpa ka =sɔng -ta. "Kεε -ka ka  
 -dɪ 'kun, kö 'ka -tosεa kë =dhe "yi -dɔ Atanna -kɔ -bha  
 -mε -nu 'dhö. <sup>17</sup> Mε =gban "pεpε =bhlëë -yö kë ka -gɔ.  
 Ka dheebhang -nu 'wo 'dhang bho Yesu "dhiü 'pö =dhe  
 ka 'dhö bha- -nu -dhɔ -yö ka kë, -ka "suü Atanna -gɔ, -ka  
 -gblüdë -nu =bhlëë -ya.

<sup>18</sup> Gwëëzë -nu, -ka ka -gɔ 'dho ka dëmε -nu -dhe "sia-  
 kö 'ka- -nu =bhlëë -ya -kɔ =gban -kɔ =gban 'gü. -Kaa kë  
 "dhü mε 'dhe 'ö- "klɔ 'dhö -së 'ö- zuë" 'dhö dhɔngsü  
 waa- mε 'dhe 'ö "kakasü -a -nu =gban -dhe. <sup>19</sup> -A pö 'a-  
 wo "dhü bha- 'klɔɔ- -mü =dhe 'wɔn -nu 'wo- -wɔ mε -ta  
 "wεεwεε kö- -gεn 'bhaa 'dhö -a 'kun -bho mε 'gü -sü 'ö  
 =bhlëë -ya Atanna -bha -sü 'ko -sɔn bha -yö -gasitε 'ö- -kë  
 mε -dhe =në- 'ka. <sup>20</sup> -A -gεn -mü =dhe 'mε 'bha 'wɔn  
 yaa -zë kë kö -wo 'wɔn bho i 'gü, =ya 'kun bho i 'gü kö  
 'wɔn 'i- -kë 'yö 'i- =trɔɔn yö, "kεε 'bha 'wɔn -së kë kö  
 -wo -ya mü 'zü -wo 'wɔn bho i 'gü kö -yö 'kun bho i 'gü,  
 Atanna =bhlëë -ya -wɔn 'gü, kö 'wɔn -së =dede =në 'i- -kë  
 -a wëëdhö bha. <sup>21</sup> 'Wɔn 'ö- "piü =dhe 'ka- kë ka -ya 'ö- wo  
 bha- 'gü 'yö bha, -a 'klɔɔ- -mü =dhe saan" =në Klisi yöö  
 =dede 'ö- wo ka -wɔn 'gü 'pö 'yö- -zɔn 'ka bha- to ka -gɔ  
 kë "dhü kö 'ka- kë 'pö =dhe 'ö 'dhö. <sup>22</sup> 'Yii 'wɔn yaa -tangga  
 -zian kë, "εεn =sua -dhiang do -zian 'yii -wo -a "dhi -ta kö  
 -wa ma. <sup>23</sup> "Tüng 'ö gun- 'ka "kpɔng =taa bha, =wa "si bho-  
 -gɔ 'yaa- -yɔ bɔ "si 'ka, saan" 'ö- wo bha 'ö gun kö -ya wo  
 sië, 'yii "suü -da mε 'bha 'gü, "kεε -yö 'ö -dɪ -wɔn -wɔ

Atanna 'ö za dɔ mε -bha tεan- =nē- -ta 'ö 'yaa bɔ mε 'ka =flü -ta bha =nē- -kwεng. <sup>24</sup> 'Yö go mü 'zü 'ö kwa -bha 'wɔn yaa -nu -kwεε sü 'ö dɔ- 'ka "dhü -bha, kē "dhü kö 'kwa ga 'wɔn yaa -gɔ kö 'kwa -tosεa 'ö pö 'aa- -bha =nē- kē. -Gi -nu 'ö- wo bha =nē- -wɔn 'gü 'yö 'ka -kē "klüüklü. <sup>25</sup> -A -gεn -mü =dhε ka -gun =dhε "bhlaa -nu 'ö =wa =dhεng =nē- 'dhö, "kεε Atanna =ya ka 'sü =ya nu ka 'ka dɔ 'kwa- wo ya- 'gü 'mε 'ö -tuü -maakēmε 'ka, 'ö ka 'nii- -maa kē bha- "piü (=dhε -kɔ 'ö -tuü -maakēmε -sē -yö ö -zɔ -kē 'ka -tuü -nu "piü bha- 'dhö).

### 3

*Dhe waa-gɔn* -a -nu -kē 'ko "piü -kɔ -dhiang 'ö Piεdhö -ya zē

<sup>1</sup> Dhebhɔ -nu, kaa -dɪ 'pö -ka ka -gɔ 'dho "sia- kaa-gɔɔn- -nu -dhε, kē "dhü kö gɔɔn- -nu bha- mε 'dhε 'wii 'dhang bho =kö Yesu Klisi "dhiü bha -wo 'dhang bho- "dhiü ka "ta -kɔ -sē bha- -wɔn 'gü kö -wo bɔ Yesu 'ka kö 'kii dhiang 'bha zē- -nu -dhε. <sup>2</sup> -A pö 'a- wo "dhü bha- gεn -mü =dhε kö- -nu "yan -yö ka "ta -kɔ -sē 'ö Atanna =bhlēē -ya bha- 'gü. <sup>3</sup> 'Ka 'dho ka dhi -zian mɔɔ- ka kwi -bha "kpεnng, -gɔ bɔ -kɔ -nu oo, -da "tɔɔ -pē "εεn -kɔ -bha -pē -sεngbɔ -nu, "εεn -dasɔ -sεngbɔ -nu -da ka -bha -sü 'ka mε -nu "yan -mɔɔ ka "dhiü kian 'ka. <sup>4</sup> "Kεε -ka ka dhi -zian mɔɔ- ka zuēpiüdhe =nē- 'gü, kö -sēdhε 'dhε 'ö- =bhlēē 'dhö 'kpīi- Atanna wēēdhö, 'ö 'yaa see-tongtongdhö 'ö -kē -kē dhɔngsü -sü 'ka, 'ö mε zuē" -yö -kē -ta -sεa -a 'ka bha =nē -yö kē ka -gɔ. <sup>5</sup> -A pö 'a- wo "dhü bha- 'klɔɔ- -mü =dhε Atanna -dhɔkēdhε -nu 'wo gun yi 'bha 'ka bha -wo -gun wo -bha dhi wo siē -kɔ bha =nē- 'gü, -gɔ -dho wo -gɔn -nu -dhε "sia- -sü 'ka. <sup>6</sup> Saadha -gun ö -gɔ 'dho siē Ablaamö -dhε "sia- -kɔ bha =nē- 'gü 'yö gun ö -gɔn -dhε siē ö dēmε. =Ya kē =dhε 'ka 'wɔn -sē kē -kpεawo



kö 'wɔn 'bha -wɔn 'bha kē -sü "suö 'yii kē ka 'gü, kö 'ka kē Saadha bha =nē- 'dhu -nu 'ka bha.

<sup>7</sup> -Kɔ do bha- 'gü gɔɔn- -nu kaa -dɪ 'pö -ka "ta -kɔ -sē kē kaa- dhebhɔ -nu 'ka kö 'ka ka "yaaki -ya 'gü, -yö kē ka "yaan =dhe kɛng- -nu ka -da -kɔ 'yaa do, -a -nu 'gü 'yaa -gban -sü 'ka kö "st- kē- -nu -dhe =dhe ka 'dhö. -A -nu =bhlēē -yö kē ka -gɔ =dhe ka "tayɔɔ -nu 'ö Atanna 'dhö -gasite kē -sü 'ka- -nu -dhe 'pö =sii 'ö 'yaa yēn -a =slɔɔ -sü 'gü =nē- 'dhö. -Kaa kē "dhü kē "dhü kö pē 'bha -pē 'bha 'ya 'dho ö -gɛn -da kɛng- -nu ka -bha -bhɛa Atanna -dhe -sü -gɛn 'gü ('ö 'yaa- -yɔ bɔ ka -gɔ).

<sup>8</sup> -Ka dɔ "gbɪ- kö mɛ "pɛpɛ =gban ka -wɪ -yö kē do, kö ka zuɛpiüwɔn -yö kē do, ka -dhɔ -yö ka 'ko kē =dhe dheebhangzē -nu 'dhö, ka "klɪ -yö dhi ka 'ko -nu -bha, kö 'ka ka 'ko -nu =bhlēē -ya. <sup>9</sup> 'Ka 'dho 'wɔn yaa "yɔɔ bho 'wɔn yaa 'ka, "ɛɛn 'ka 'dho "si "yɔɔ bho "si 'ka, "kɛɛ 'mɛ 'ö "si bho ka -gɔ, -ka 'dhuē- kē- -mɛ -bha, -a -gɛn -mü =dhe ka 'ö 'ka bha 'dhuē- =nē Atanna -ya "plüün bho ka -dhe ka -dhe 'ö- wo bha- 'gü <sup>10</sup> =dhe -kɔ 'ö- -wɪ -ya pö- 'ka- 'dhö =dhe:

«'Ö mɛ "ɪɪ mɛ 'ö- "piü =dhe 'ö -tosɛa -sē -dhe yö,

kö 'ö -ya =niidadhe "yi =bhaa,

-a -mɛ -yö ö -dɪ 'kun dhiang yaa zē -sü -gɔ,

kö -yö ö bo =sua kē -sü 'ka.

<sup>11</sup> -A -dhɛa -bha =dhe -a -mɛ 'ö 'dhö -yö "kan 'wɔn yaa -bha

kö -yö 'wɔn -sē =nē- kē -kpɛawo,

kö -yö mɛ -nu -dhi 'ko -dhe -dhe =nē- mɔɔ- -kpɛawo kö -yö 'dho- 'ka.

<sup>12</sup> -A 'klɔɔ- -mü =dhe 'mɛ 'ö pö 'aa- -nu -bha bha =nē

kwa Dɛmɛ -yö ö "yan -kē -nu "dhiü,

'yö ö "tɪ 'to- -nu -bha bhɛa" -wɪ -bha,

"kɛɛ 'yaa ö "yan do 'wɔnyaakɛmɛ -nu -zɛ -nu -bha» bha-  
'dhö.

<sup>13</sup> =Ya kɛ =dhɛ 'wɔn -sɛ kɛ -pɛng =ya kɛ ka -ta 'ka- kɛ siɛ,  
mɛ 'bha 'yii 'dho =mɔɔ- -bha kö -yö 'wɔn yaa kɛ ka 'ka.

Mɛ -wɛɛdhɛ -bho 'wɔn -sɛ kɛwɔn 'gü -sü -dhiang 'ö  
Piɛdhö -ya zɛ

<sup>14</sup> "Kɛɛ 'kö 'zü =wa 'wɔn wɔ ka -ta -zianwo 'wɔn -sɛ  
'ka- -kɛ -a -wɔn 'gü, kö ka -bha -sɛ. "Sika 'ya 'dho kɛ ka  
'gü ö 'ka -suö mɛ 'bha -gɔ. <sup>15</sup> -Ka Klisi =nɛ- -bhlɛɛ -ya ka  
zuɛ" "piö doseng =dhɛ ka Dɛmɛ 'dhö kö 'ka kɛ baa- -sü  
'ka "tüng =gban 'gü kö =wa ka dhɛɛ" 'kpɔ 'wɔn 'ö ka -zɔ  
'dhö- 'gü bha- 'ka, kö 'ka- gɛn bho- -mɛ -dhɛ 'kpakpadhö.  
"Kɛɛ 'ka- pö 'ka- gɛn bho, -kaa -gɛn bho dhɔngdhɔngsü  
'ka "nɛɛnɛɛ 'ka -a -nu =bhlɛɛ 'gü, <sup>16</sup> "kɛɛ kö ka zuɛ" 'yaa  
za do siɛ ka -bha, kɛ "dhü kö 'yiö- do 'mɛ 'wo ka kɛwɔn  
-sɛ -nu -dhiang yaa zɛ ka -bha -kplü Klisi -bha -sü -wɔn  
'gü bha- -nu -bha. <sup>17</sup> -A pö 'a- wo "dhü bha- 'klɔɔ- -mü  
=dhɛ =ya kɛ Atanna -dhidhɛwɔn 'ka kö -wo ka -wɛɛdhɛ  
bho 'wɔn -sɛ kɛ -sü -wɔn 'gü, -a fiɛ- -dhö -a -kɛ "dhü -sü  
'ö 'wɔn yaa kɛ -sü -wɔn 'gü bha- -bha. <sup>18</sup> -A -gɛn -mü =dhɛ  
Klisi yöö =dede -yö -ga ka =nɛ ka -wɔn 'gü. Yö 'ö yö -zɛ 'ö  
"slüöslü 'ö -dhii 'yaa- -bha Atanna wɛɛdhö bha -yö kɛ ga  
-kɔ doseng bha- -bho "dhü 'mɛ 'ö =song 'dhö- -nu -bha  
bha =nɛ- -nu -wɔn 'gü, kɛ "dhü kö 'ö zian 'ö dho Atanna  
"piö -a bho ka 'ka. -A -dhü =nɛ wo- zɛ 'yö- 'nii- -zɛ 'ö go  
ga 'gü Atanna -bha 'Nii- "slüöslü faan 'ka. <sup>19-20</sup> 'yö dho  
Atanna -wɔ pö 'mɛ 'wo -kaso 'gü =geebɔɔ 'ö 'wo- =bhlɛɛ  
-siö yi 'bha 'ka Noe -kwɛ -ta kö -yö ö zuɛ" kɛ siɛ -sɛa -a  
-nu "piö kö Noe -yö "yitagɔ -pɛ kɛ bha- -nu -dhɛ 'Nii-  
"slüöslü do bha- 'saa- 'gü. 'Sa "yitagɔ 'ö Noe -ya -pɛ -kɛ  
"dhü bha mɛ ga "kɛɛ 'nɛ bha =nɛ 'wo kɛ -da 'gü 'yö 'wo  
dha "yi bha- -gɔ. -Wo -gun mɛ "saaga. <sup>21-22</sup> -A 'yi 'ö gun

"dhü bha -yö -gun -bɔ Yesu 'ka- -zu 'ka bho sië -dεε ya =në- "blεεn- 'ka. -A kë 'wo- wo sië "dhü =dεε bha 'wii- "dhiü "wliü -dhii -bho mε kwi -bha -sü -bha, "kεε -yö gba 'ö- mε -ya -dhε Atanna -gɔ, kö -ya gba zuëwaanüsü 'ka ö wëedhö =në- 'ka. -Bɔ Atanna 'ka -zu bho -sü bha -yö ka -dha Yesu Klisi 'ö =ya 'dho dhang- 'gü 'ö -ya -sü 'ka -dhε =bhlëösü 'ö Atanna -kɔ -së 'gü bha- 'gü, -a -bha "kië -nu waa- -kɔ -ziö mε -gɔ -pë -nu waa- 'gügbüdhε -pë -nu 'wo mü -a -nu -gɔ "dhiü bha -a -bha -go ga 'gü -sü bha =në- 'saa- 'gü.

## 4

"Ta -kɔ -dee 'dhε 'ö Piεdhö -ya -dhiang zë

<sup>1</sup> -A -kë "dhü -sü bha- 'gü, =dhε 'ö -kë =dhε 'wɔn 'wo- bho Klisi -dhü 'gü 'ö ma- 'ka "dhü bha -yö kë- -kun ö -bha -kɔ =gban -kɔ =gban 'gü bha, -a -dhεa -bha 'pö =dhε kaa -dɪ 'pö ka zuë" -yö "wɪ- -bha kö -wo ka -wëedhε bho "dhü. -A -gεn -mü =dhε 'mε 'ö- -dhü =ya bo sëë bho -sü 'ka =dhε -kɔ bha- 'dhö kö =ya ö bo 'wɔn yaa kë -sü 'ka. <sup>2</sup> =Ya 'go =dεε 'gü, -a -dhεa -bha =dhε kaa- -tosεa 'dhε 'ö- këwɔn =ya 'to "kɔpung =taa yö bha 'ka- kë Atanna dhɔɔbhaa 'ka, 'ka 'dho- kë -kɔ 'ö -dhi ka -dhε -a 'ka. <sup>3</sup> -A pö 'a- wo "dhü bha- 'klɔɔ- -mü =dhε "tüng 'dhε 'ka- -kë yi 'bha 'ka =dhε 'mε 'waa Atanna dɔ -a -nu 'dhö 'ö 'ka- -kë 'wɔn "bhlüubhlu -nu kë -sü -bha, zuë" -bhɔ 'wɔn yaa -bha -sü -nu 'ka, we "gblügbü mü -sü -nu 'ka, ö 'ka- mü -yi -nu -da ö 'ka- mü, 'ö 'ka gun "gblüüdhe "gbεadhε -nu kë sië waa- =gebhɔ -dhökë -sü 'ö 'wɔn yaa "nεnεga -sü =në- 'ka bha- kë -sü -nu 'dhö bha 'yaa 'dεdε. <sup>4</sup> Dɔ 'kwa- wo =taamasü ya- 'gü ya 'mε 'waa 'dhang bho Atanna "dhiü 'ö këng- -nu 'ka gun- 'wɔn yaa suu bha- kë -sü 'gü "dhü bha, 'go 'ka- wo- -nu -bhiëë 'gü 'ö 'kaa- kë 'zü =dhε -a -nu 'dhö bha =wa ka -ga, -a 'wɔn =në- -nu kɔn, 'yö wo ka -dhiang yaa zë. <sup>5</sup> "Kεε

-a kë 'wo- wo sië "dhü bha Atanna 'ö za -dɔ 'mε =wa ga waa- 'mε 'wo "yaan -a -nu -bha -mε 'ka bha -yö nu sië -a "töng 'yaa =gblεεn 'zü, kö -ya -nu dhεε" 'kpɔ- 'ka kö -wa -gεn dɔ. <sup>6</sup> 'Wɔn 'ö- -wɔn 'gü 'yö 'wo Atanna -bha naɔ -së bha- dɔ -sü 'ka 'pö 'mε =wa ga -a -nu -gɔ bha 'yö bha, kë "dhü kö za =yaa- -nu "kpɔng =taa -kwi kö ya- zë 'pö =dhε mε =gban 'dhö kö -wo ga, "kεε kö- -nu 'nii- -zë -yö -tosεa -dee kë Atanna -bha 'gügbɪdhε 'ka.

<sup>7</sup> 'Wɔn =gban "pεpε "dhiö 'to "töng =ya =loo =gban bho. -Ka -tosεa kë "yaaki -bha kö 'ka ka züë" 'kun ka -bha 'wɔn =gban 'gü, kë "dhü kö ka -kɔ =mɔɔ -bhεa Atanna -dhε -sü -bha "töng =gban 'gü. <sup>8</sup> "Kεε -a 'dhε 'ö- -gɔ 'ka =në ka -dhɔ -bha ka 'ko kë -sü 'ka, ka -dhɔ =në -yö ka 'ko kë =kö -blεεsü kö ka -kɔ -ya 'kun. -A -gεn -mü =dhε -dhaɔmekë bha -yö 'wɔn yaa 'gbε =dede -ta -kpa. <sup>9</sup> -Ka -kɔ -ya ka 'ko -dhεng -bha, 'ka 'dho- kë wë 'gü -siö 'ka, <sup>10</sup> kö gbaɔdhe 'ö Atanna -ya -kë ka -gɔ bha 'ka ka 'ko -nu -ta 'kun- 'ka 'do 'do kö -yö kë =dhε pë -gaɔ 'gbε 'ö- =gbaɔ ka -gɔ bha 'ka- 'kun -së. <sup>11</sup> Kö 'mε 'ö- -bha dhiangzεmε 'ka -ya kë ö kë -kɔ -ta, kö mε 'ö yë -kë -a -bha mε -nu -dhε -mε 'ka -ya kë faan 'ö- nu- -dhε bha- 'ka, kë "dhü kö Atanna 'tɔ- bhɔ Yesu Klisi 'tɔ 'gü ka këwɔn "pεpε =gban 'gü. -A -gεn -mü =dhε yö =në- 'gü 'dhö "gbɪ- -kpεawo, yö =në- 'tɔ bhɔ -dhε 'dhö- -bha -kwε =gban -kwε =gban -ta, kö -yö kë "dhü bha 'aa -yö kë.

-*Wëedhε* -yö Yesu Klisi -wɔn 'gü -sü -dhiang 'ö Piεdhö -ya zë

<sup>12</sup> N dhɔɔbhaame -nu, -wëedhε bhodhe pεng gɔn 'ka ziö sië- 'gü bha- 'wɔn 'ya 'dho ka 'kɔn, "εεn 'ya 'dho bhɔ ka 'gü "dhabhliwɔn -bha. <sup>13</sup> -A -dhεa -bha =dhε -yö ka =nii -zian =në- -da. -A 'klɔɔ- -mü =dhε saan" 'ö Klisi -ya wo bha ka -bha =në 'ka- wo sië bha. =Ya kë "dhü 'pö 'yö-

-bha -gblüädhdɛ bha =ya -ya -bha yi 'ö- 'ka 'yö ka =nii 'dhö -da 'pö. <sup>14</sup> =Ya kë =dhɛ =wa "si bho ka -gɔ ka -bha -kë Klisi -bha 'ka -sü -wɔn 'gü, kö ka -bha =ya kë -së. -A 'kloo- -mü =dhɛ =ya kë "dhü kö 'Nii- 'ö =bhlëëbhlëësü, Atanna -bha 'Nii- bha kö -yö ka 'gü =naa bha. <sup>15</sup> -Kaa kë -së kö 'mɛ 'ka bha mɛ 'bha 'ya 'dho sëë bho -a -bha -kë mɛzëmɛ 'ka -sü, "ɛɛn =kwaanmɛ 'ka -sü, "ɛɛn 'wɔnyaakëmɛ 'ka -sü, "ɛɛn 'zü -a -bha -da 'wɔn 'yaa- -bha 'wɔn 'ka -a 'gü -sü =në- 'gü doseng. <sup>16</sup> "kɛɛ mɛ "ɔɔ mɛ 'ö sëë bho -a -bha -bɔ Yesu 'ka -sü -wɔn -zë 'gü, -a -dhɛ 'yaa- -bha =dhɛ -a 'yiü- -ya -mɛ kë. -A -mɛ -zian -zë -yö Atanna nuɛ" =në- bho Klisi 'tɔ 'ö -ya -bha bha- -wɔn 'gü.

<sup>17</sup> -A pö 'a- wo "dhü bha- 'kloo- -mü =dhɛ Atanna -bha za bha- dɔ -yi =ya =loo, "kɛɛ -a zü- -dho bho -a -bha mɛ -nu =në- -ta. 'Yö =ya kë =dhɛ za bha- zü =ya bho 'mɛ 'kö yi -zë 'ya bɔ- 'ka yi -ta bha -oo, 'yö =ya zun 'mɛ 'kö 'waa "wɪ 'dhang bho 'wɔn -taɔng -së 'ö go- "piü -a "dhiü -wɔn -bha bha- -nu -bha =wɛ? (-A "dhiü -dho -ya mü =dhɛ?) <sup>18</sup> 'Yö =ya kë =dhɛ 'mɛ 'ö yö -zë =sɔng 'yaa- -bha Atanna wëëdhö =ya dha -klüklüdhö bha -oo, 'yö 'mɛ 'kö 'wo- -wɔ bho wo "tɔɔ waa- 'wɔnyaakëmɛ -nu -zë =wɛ? <sup>19</sup> -Dhɛ 'ö "dhü, 'mɛ- -nu sëë bho -sü 'dhö Atanna -dhidhɛwɔn 'ka bha -wa 'kun "gbɪɪ-, -wo 'wɔn -së kë kö -wo 'dho- 'ka "dhiü, kö -wo wo -dɪ "kplëng bho Atanna 'ö- -nu -da bha- -dhɛ; -a -gɛn -mü =dhɛ yö 'ö bha =në 'yaa "plüün "fië bho tongtongdhö.

## 5

*Atanna-bhayëkëmɛ* -nu -bha -a -bha yë -kë -kɔ -dhiang 'ö Piɛdhö -ya zë

<sup>1</sup> -A 'dhɛ 'ö maa- zë bha a- -zë 'mɛ =wa kë "dhiü -sü Atanna -bha mɛ -nu 'ka -mɛ 'ka -a -bha 'kɔdhigümɛ -nu kpö 'gü bha =në- -nu -dhɛ. Mang -dɪ 'pö "dhiü -sü -a -nu 'ka -mɛ -mü n 'ka =dhɛ -a -nu 'dhö, saan" 'ö Klisi -ya wo

bha mang =dede n "yan -gun -dhe 'gü, =ya 'go mü 'zü -a -bha -gblüdedhe 'ö nu sië bha- 'gü -me do -mü n 'ka 'pö.  
<sup>2</sup> 'ME 'ka -zun Atanna -bha me -nu -dhe "dhiü -me -nu 'ka "dhü bha -ka ka -zu kë -a -bha 'në -nu 'ö -nu -kefama bho ka -bha bha- -nu 'gü =dhe -ko 'ö -tuü -maakëme -yö ö -zu -kë 'ka -tuü "piü -a 'dhö, 'ka 'dho- kë -kpla "dhiü, -yö ga ka 'gü "pepedhö -së 'ka kö 'ka- kë =dhe -ko 'ö- "piü =dhe -yö kë- 'ka -a 'dhö. 'Ka 'dho- kë =nao -dho -bha, -kaa kë "gblüödhë "puu -ta. <sup>3</sup> 'Ka 'dho- pö 'ka -ya -a -nu -ta =dhe =zang 'dhö, -ka kë =naa =dhe -a -nu -bha -taadhü 'dhö. <sup>4</sup> =Ya kë =dhe 'ka- kë "dhü, kwa Dëme 'ö 'me 'ka =dhe -tuü -maakëme 'dhö bha ka -gome =dede 'ka bha =ya nu yi 'ö- 'ka, -yö -dho -gblüdedhe 'faan- 'ö- =bhlëë 'yii 'dho -pö tongtongdhö bha- -ya ka -go -bha.

<sup>5</sup> -Kö do bha- 'gü 'me 'ka "wlü -në -nu 'ka, -ka me zizi -nu bha- -nu -bhlëë -ya =dedewo. Me =gban "pepe -ka ka -go 'dho ka 'ko -nu -dhe "sia- ka -bha -kë 'ko "piü -sü 'gü. -A -gen -mü =dhe -yö -ben zë -sü 'ka Atanna -wu 'gü =dhe -yö -do -gon -yan 'gü 'me 'wo wo -dt sü 'kpii- -a -nu -go, "këe -yö "gbebhö 'me 'kö 'wo- =bhlëë -ya bha- -nu -dhe. <sup>6</sup> -A -kë "dhü -sü bha- 'gü, -ka ka -go 'dho "sia- -a -dhe kö 'ka do- -bha 'gügbüdhë -ko bha- =wlöo kë "dhü kö -yö ka -ya =soo -ta "tüng 'ö -dhi -dhe -a 'gü. <sup>7</sup> -Ka ka -ta bho ka -bha -zvgöndhe -nu -kwëë 'ka- -ta, -a -gen -mü =dhe -a "tüng- -yö ka 'gü.

<sup>8</sup> -Ka ka zuë" 'kun ka -bha. -Ka ka -dt 'kun! -A pö 'a- wo "dhü bha- 'klöo- mü =dhe Sotraan 'ö ka 'yao- 'ka bha -yö =nië sië ka -züzü -vëvedhö =dhe laa 'ö =gblan sië, 'ö -bhöpë moo- sië kö -ya -bhö -a 'dhö. <sup>9</sup> -Ka do- go -gon -yan 'gü -zu -yö Atanna -dhe -sü 'ö pë 'bha 'yaa- bho "gblüu bha- 'ka. -Yö kë ka "yaan =dhe saan" 'ö "dhü bha kaa do 'kaa- wo sië, -wa wo sië ka dheebhang -nu -ta 'pö "dhü "kpuñgtaadhë =gban 'gü.

'Sëedhɛ 'ö Piɛdhö -ya -kë bha -a -gɔ dɔ -kɔ

<sup>10</sup> "Kɛɛ =ya kë =dhɛ 'ka saan" bha- wo "dhü, "tüng 'në bha =ya zïö, Atanna 'ö -gasitɛ -kë "kpungtaame =gban "pɛpɛ -dhɛ "dhü, 'ö yö =në ka -dhɛ kö 'ka kë ö -bha -gblüädɛdhɛ 'ö- "dhiütodhɛ 'yaa 'dhö -a 'gü -në 'ka, ka -bha -kplü Klisi -bha -sü 'saa- 'gü bha, yöö -dede =në dho ka "gla -kɔ -dee kë, 'yö ka -gɛn -gban, 'yö ka gba faan 'ka 'yö pë 'bha -pë 'bha 'yaa vin ka -bha Atanna -bha zian -ta 'zü do 'yö 'kaa vin. <sup>11</sup> Kö Atanna 'ö 'gügɔɔdhɛ 'dhö yö =në- gɔ "tüng =gban -tüng =gban 'gü bha =në- -bha 'to- -bha bha 'aa -yö kë!

<sup>12</sup> N dheebhang Sidhasö 'a- 'sü =dhɛ -to -wɔ -ta -mɛ 'dhö Atanna -bha zian -ta bha =në 'a- pö- -dhɛ 'yö 'sëedhɛ dengdeng 'në ya- -bɛn zë kö 'a- bɔ ka -dhɛ. Atanna -bha -gasitɛ 'ö- -kë kwa -dhɛ bha- ga =dede bha =në gun n "piü =dhɛ 'a- -zɔn ka -dhɛ, kö 'a ka faan dɔ -a 'gü -ta 'sü -sü -bha, kë "dhü kö 'ka 'to -kplü -sü 'ka- -bha. 'Wɔn 'ö- -wɔn 'gü 'yö 'a 'sëedhɛ ya- bɔ ka -dhɛ bha 'yö bha.

<sup>13</sup> N gbö Makö waa- Atanna -bha 'kɔdhigümɛ -nu 'wo Babidhɔnö yö, 'ö Atanna 'dhö- -nu -ya -sü 'ka ö -bha 'ka 'pö =dhɛ ka 'dhö bha =wa ka =tua bho 'gbɛ. <sup>14</sup> -Ka =loo ka 'ko -nu -bha kö 'ka ka 'ko -nu =tua bho -së 'ka, -dhɔ 'gü, dheebhangdhɛ 'gü.

Kö mɛ "pɛpɛ 'ka bɔ Klisi 'ka bha Atanna -yö zuëyagblüü- nu ka -dhɛ bha 'aa -yö kë!

NAO -SĚ 'SĚĚDHĚ  
Dan: NAO -SĚ 'SĚĚDHĚ New Testament  
Dan Nouveau Testament

copyright © 1991 Wycliffe Bible Translators, Inc.

Language: Dan

Dialect: Eastern

Contributor: Wycliffe Bible Translators, Inc.

All rights reserved.

2021-07-12

---

PDF generated using Haiola and XeLaTeX on 14 Jun 2022 from source files dated 30 Nov 2021

b0d5029a-c700-5b99-a67b-bae5c5f3b14c